

ները, դիւտերը, հանքադործութիւնը, անտառների մշակութիւնը եւն. : Իր ժամանակի մերկանախի վարդապետութեան հետեւելով, երկրի հարստութիւնը նա համարում է ոսկին, արծաթը եւ բոլոր ազնիւ մետաղներն ու ակները : Ուստի խրախուսում է այդ ամենի ներմուծումը, ազատելով մաքսից, եւ ընդհակառակը, արգելում է արտահանութիւնը, ծանր մաքսերի եւ հարկերի ենթարկելով :

Նոյն այդ նպատակով՝ բոլոր յայտնաբերուած հանքերը — բացի աղից, որ պետութեան սեպհականութիւնն է — համարում են յայտնաբերողի սեպհականութիւնը, որը սակայն պետութեանը տալիս է միայն տասանորդ (նք, նիք) :

Այդ ամենին դուզընթաց՝ նա աշխատում է համապատասխան օրէնքներով կանոնաւորել հասարակական յարաբերութիւնները : Ամենից առաջ՝ իսպառ վերացնում է դերեվաճառութիւնը Հայաստանում, մարդուն չհամարելով բնութեամբ ազատ եւ իրար հաւասար (նիա) : Այնուհետեւ փորձում է ճշգրտուել մարդկային բոլոր յարաբերութիւնները — ինչպէս են՝ հօր եւ դուստրների յարաբերութիւնները (յծը), ծառայի եւ տիրոջ, աղայնի եւ տիրուհու յարաբերութիւնը (նիդ, նիե, նիզ) եւն. : Չի մոռանում անգամ որոշել ամուսնութեան տարիները — աղջիկների համար 14, իսկ տղաների՝ 17 (նիք) : Իր հարեւանը հարեւանին տեղ պիտի տայ կտուրների ճիւղը եւ տան ջուրը թափելու (մծ) : Իր ազտեղութիւնները չպիտի փողոց թափել, այլ թաղել « ի սիրտ երկրի » (մծե) :

Դեռ աւելի. չի մոռանում կարգադրել, որ առանց հրաւերի ոչ ոք իրաւունք չունի մէկի մօտ գնալու՝ հարսանիք կամ երեխայի ծնունդ չնորհաւորելու (յիզ) : Իր մեռելատուն գնալը նոյնպէս պիտի լինի յատուկ հրաւերով (յիե) : Իր եկեղեցում ով ո՞րտեղ պիտի կանգնի (յծք, յկա) : Իր խնջոյքի ժամանակ ով ո՞րտեղ պիտի նստի (յիգ, յիդ) : Իր թաղման համար եկեղեցական պաշտօնեաներից ով ո՞րքան պիտի ըստանայ (յիե) : Բերում է նոյնիսկ ձեւը, թէ ի՞նչպէս պիտի գրել շնորհաւորանքի հրաւերները, թղթի ո՞ր երեսի վրայ, եւն., եւն. (յիզ) :

Մասնաւորապէս կանանց վիճակը շատ է հետաքրքրում Շահամիրեանին : Արեւելցու դաժան վերաբերմունքը դէպի կինը մենք բաւական մեղմացած ենք տեսնում նրա մօտ : Նրա համար կինը այլեւս այն իրաւագուրկ արարածը չէ, արհամարհուած եւ ամբողջովին տղամարդու կամքից կախուած, ինչ որ մահմեդական արեւելքում, թէեւ արեւելքի ազդեցութիւնը դեռ եւս շատ դժուար է նրա վրայ :

Կնոջ հարեմական վիճակը դեռ շարունակւում է նրա մօտ. օրինակ, ոչ մի տղամարդ իրաւունք չունի կնոջ սենեակը մտնելու : Բայց պետական պաշտօնեաները մտնել կարող են, միմիայն մի դէպքում, երբ նրանք հետապնդում են քրէական յանցաւորին կամ մահապարտին ձերբակալելու : Թէեւ հեղինակը դա պատճառարանում է նրանով, որ նա չի ցանկանում, որ «մեր մայրերի կամ ապագայ մայրերի սենեակում աղմուկ, դղրդում եւ տարակուսութիւն լինի» (յիա), սակայն բուն շարժառիթը շատ պարզ է : Կամ՝ մի յատուկ օրէնքով (նծգ) նա կանանց արգելում է մենակ մտնել մի տուն, ուր կին չկայ, ուր միայն տղամարդ է ապրում, բացի վերջինիս մօրից եւ քրոջից : Բայց դրա հետ միասին՝ նա թոյլատրում է կանանց եւ աղջիկներին առանց քօղի, «բաց երեսով եւ բաց գլխով ազատապէս շրջել, բացի Տիրոջ Տնից» (նծբ) :

Դէպի կինը եղած համեմատաբար մեղմ վերաբերմունքը մէկից աւելի փաստեր ունի Շահամիրեանի օրէնքների մէջ : Այսպէս կընոջ — հեթանոս թէ քրիստոնեայ — գերի վերցընել չի կարելի (նի, յիդ) : Անգամ պատերազմի ժամանակ մենք շատ քաղցր պիտի վարուենք թշնամու կանանց հետ, որպէսզի այդպիսով «թշնամիները սիրեն մեզ եւ հնազանդին հաւատարմութեամբ» (յծք) : Տղամարդը միշտ ուշադիր պիտի լինի դէպի կինը եւ քաղաքավարութեամբ նրան վերաբերուի (յիդ) : Ոչ ոք իրաւունք չունի կնոջ ձեռքելու — բացի դատարանից եւ ամուսնուց — եթէ ամուսնացած է նա, այն էլ զգուշութեամբ եւ միայն «փափուկ տեղին», խփելով մինչեւ «12 դամչի», որպէսզի «չվիրաւորուի նա եւ կամ չխորտակուին նրա ոսկորները» (յծա) :

Նոյնը նաեւ աշակերտուհու նկատմամբ :